



**Bou ons kinders vir
môre**

**Voorskoolse-
Sondagskool**

Lestitel: Die boodskap van Engel Gabriël aan Maria

'n Ouerhandleiding
Sondagskooltuisonderrig



Liewe Ouer

Welkom by die les: “**Die boodskap van Engel Gabriël aan Maria**”

Hierdie dokument gee u 'n basiese handleiding oor hoe die les aangebied kan word.

Hoe om vir die les voor te berei en dit aan te bied

Hier volg 'n paar wenke vir voorbereiding en aanbieding:

Stap	Aksie
1.	Verkry toegang tot die webtuiste van die Nuwe Apostoliese Kerk deur die volgende in te sleutel of deur op die volgende WhatsApp-skakel te druk: https://bit.ly/3NACSSHS
2.	Versamel die volgende hulpmiddels om te verseker dat u vir die les gereed is: • Bybel • Die les in PDF-formaat wat reeds voorberei is • Kind se werkboek, potlode, kryte, ens. • Die kort video, wat 'n addisionele / opsionele hulpmiddel is • Kategismus in Vrae en Antwoorde (veral vir Konfirmasie) Nota: 2.1: Die ideale tyd om die les aan te bied is na die Sondagoggendgodsdien, om sodoende in lyn met die normale Sondagskooltyd roetine te behou. 2.2: Hou die les so bondig (kort) moontlik. Hou die aandagspan (om te fokus op die les) van ons kinders in gedagte. U ken u kind die beste! Normaalweg duur Sondagskool nie langer as 45 minute nie. 2.3: Die les is vir 'n spesifieke klas (Sondagskool (SS), Godsdiensonderig (RI) of Konfirmasie (Conf)). 2.4: Kontak gerus u Sondagskoolonderwyser indien u ondersteuning vereis of van bogenoemde hulpbronne benodig.
3.	Bid (sien die gebed aan die einde van hierdie dokument) en vra God om u as instrument te gebruik om die les aan te bied soos Hy dit wil hê.



Bied 'n Sondagskoolles tuis aan

Hoe om vir die les voor te berei en dit aan te bied

Ons gaan voort om 'n paar wenke te gee rakende voorbereiding en aanbieding:

Stap	Aksie
4	Skep 'n aangename en steurnisvrye leeromgewing waar u en die kind / kinders op dieselfde vlak kan wees. Voorbeeld: Sit op 'n mat of om 'n tafel.
5	Lees die les deur. Lees weer deur die les sodat u dit verstaan. Kyk na die kort video van die les om 'n beter begrip van die les te kry.
6	Maak vir jouself aantekeninge oor belangrike punte wat jy graag wil onthou.
7	Verstaan die doelwit van die les, wat deur u kind onthou moet word.
8	Bied die les vir u kind aan.
9	Wys vir jou kind die video en bespreek die betekenis daarvan.
10	Verwys u kind na die aktiwiteit in die kind se werkboek
11	Bid of vra u kind om te bid om sodoende die les af te sluit.

Beskikbare hulpmiddels vir tuisonderrig

Hiermee 'n paar hulpmiddels om die gehalte van die les te verbeter:

1. Gesels via WhatsApp met 'n ander Sondagskoolfamilie.
2. Bespreek die les met ander ouers om duidelikheid te kry voordat dit aangebied word.
3. Dit staan u vry om self navorsing te doen vir addisionele(ekstra) inligting.



Die Les

Lestitel	Die boodskap van Engel Gabriël aan Maria
Bybelwoord	Lukas 1: 26-38
Lesdoelwit	Ons leer dat Jesus God se Seun is.

Lesopsomming:

In Nasaret woon daar 'n jong vrou, Maria en haar verloofde, Josef, wat binnekort haar man sal word. Eendag stuur God die Engel Gabriël na die maagd Maria. Sy skrik toe die engel verskyn. Die engel sê: "Moenie vrees nie, God is met jou. Jy sal 'n seun baar, en jy moet Hom Jesus noem. En God is sy Vader. Jou seun, Jesus, sal oor 'n ewige koninkryk regeer." Maria glo die engel en sy sê: "Ek is 'n diensmaagd van God, laat dit met my gebeur soos u gesê het."

Wat beteken hierdie les vandag vir ons?

- Wees bereid om deur God gebruik te word.
- Vertrou op God en glo in sy beloftes.
- Leef jou lewe as dienskneg/diensmaagd van die Here - ons kan dit doen deur te bid, musiek in die kerk te maak, deur die Bybel te lees. Kan jy aan meer maniere dink om God te dien?

Sommige vrae wat ons kan vra:

1. Waarom het God die Engel Gabriël na Maria gestuur?

Antwoord: Om 'n boodskap van God aan Maria te gee

2. Wat was die boodskap wat die Engel Gabriël aan Maria gebring het?

Antwoord: Maria sal 'n seun baar en sy naam moet Jesus wees. Hy sal God se Seun wees.

3. Wat was Maria se antwoord op die boodskap van die Engel Gabriël?

Antwoord: "Ek is 'n diensmaagd van God, laat dit met my gebeur soos u gesê het".

4. Hoe dink jy kan ons ons lewe as dienknegte van God lei?

Antwoord: bid /Bybel lees/ sing in koor. ens. Laat die kind meer wyses noem waarop God gedien kan word.



'n Gebed vir Pappa en Mamma om voor die les te bid:

Liewe God, baie dankie vir hierdie dag

Seën alle ouers en kinders

Mag ons u teenwoordigheid aanvoel

Seën die les wat ons gaan hê

Leer ons hoe om U te dien

En help ons om u wil te doen

Sodat ons nader aan U kan groei

Stuur Jesus om ons te kom haal

En mag ons gereed wees om Hom te ontmoet. Amen

'n Gebed na die les:

Liewe Vader in die hemel, ek dank U dat U ons vandag beskerm het en dat daar geen ongeluk gebeur het terwyl ons gespeel het nie.

Laat ons almal lekker slaap en gee môre weer 'n pragtige dag.

Help my asseblief op skool en dat ek goed met my vriende oor die weg sal kom en nie met hulle sal baklei nie.

Wees altyd met mamma en pappa.

Seën ons stamapostel, apostels en al ons diensknegte en beskerm hulle op hul reise.

Help al u kinders, veral die siekes. Kom gou en neem ons almal huis toe. In Jesusnaam. Amen.